

文淵閣

影印

四庫全書

影印

文淵閣四庫全書

第三〇八冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

資治通鑑(五)

宋元

司馬光撰
胡三省音註

.....一

欽定四庫全書

史部
資治通鑑卷一百七十八

詳校官修撰臣錢 蔡
洗馬臣王坦修覆勘

總校官知縣臣楊懋珩
校對官中書臣葉 蘭
膳錄監生臣王廷璧

欽定四庫全書

資治通鑑卷一百七十八

宋 司馬光 撰

胡三省 音注

隋紀二

起於隋文帝開皇二年
維揚治凡八年

高祖文皇帝上之下

開皇十二年春二月己巳以蜀王秀為內史令兼右領

軍大將軍國子博士何安與尚書右僕射邳公蘇威

爭議事積不相能威子夔為太子通事舍人隋制太子通事舍人

欽定四庫全書

資治通鑑
卷一百七十八

八人屬少敏辯有盛名少詩士大夫多附之及議樂夔

與安各有所持詔百僚署其所同百僚以威故同夔者

什八九安恚曰吾席間函丈四十餘年禮侍生於先生席間函丈何安

周武帝時已為太學博士故云然恚於避翻反為昨暮兒之所屈邪邪音遂

奏威與禮部尚書盧愷吏部侍郎薛道衡尚書右丞王

弘考功侍郎李同等共為朋黨吏部侍郎考功侍郎皆屬吏部尚書尚書

左右丞分司管轄隋制尚書二十四曹侍郎獨吏部侍郎班左右丞之上吏部侍郎正四品左右丞從四品

省中呼弘為世子同和為叔言二人如威之子弟也復

言威以曲道任其從父弟徹肅罔冒為官等數事又翻

從才上命蜀王秀上柱國虞慶則等雜案之事頗有狀用翻

上大怒秋七月乙巳威坐免官爵以開府儀同三司就

第盧愷除名知名之士坐威得罪者百餘人初周室以

來選無清濁選宣及愷攝吏部按愷傳開皇九年拜禮部尚書攝吏部尚書

與薛道衡甄別士流別被故涉朋黨之謗以至得罪未

幾幾居上曰蘇威德行者行下但為人所誤耳命之通

籍通籍殿中則威好立條章好呼每歲責民間五品不

欽定四庫全書資治通鑑卷一百七十八

遜孔安國曰五品或答云管內無五品之家其不相應

領類多如此又為餘糧簿欲使有無相贍民部侍郎朗

茂以為煩迂不急皆奏罷之茂基之子也郎基見一百六十五卷梁

世祖承嘗為衛國令有民張元預兄弟不睦丞尉請加

嚴刑隋志縣置茂曰元預兄弟本相憎疾又坐得罪彌

益其忿非化民之意也乃徐諭之以義元預等各感悔

頓首請罪遂相親睦稱為友悌已巳上享太廟隋立

廟各以孟月士申晦日有食之帝以天下用律者

多踳駁踳非也駁錯也踳尺允翻駁北角翻罪同論異八月甲戌制諸州

死畢不得輒決悉移大理案覆事盡盡竟然後上省奏

裁上時冬十月壬午上享太廟十一月辛亥祀南

郊已未新義公韓擒虎卒擒虎襲父雄爵新義郡公

爵卒子十二月乙酉以內史令楊素為尚書右僕射

與高頌專掌朝政素性疎辯高下在心朝臣之內朝直

頗推高頌敬牛弘厚接薛道衡視蘇威茂如也茂無也

無也又自餘朝貴多被陵轢陵乘也犯也侮也侵也陵

欽定四庫全書資治通鑑卷一百七十八

擊其才藝風調優於頌調徒至于推誠體國處物平當

處昌呂翻有宰相識度不如頌遠矣右領軍大將軍賀

若弼自謂功名出朝廷之右每以宰相自許既而楊素

為僕射弼仍為將軍甚不平形於言色由是坐免官怨

望愈甚久之上下弼獄下戶謂之曰我以高頌楊素為

宰相汝每昌言曰此二人惟堪啗飯耳昌言明言于廣

徒覽是何意也弼曰頌臣之故人素臣之舅子臣並知

其為人誠有此語公卿奏弼怨望罪當死上曰臣下守

法不移公可自求活理弼曰臣恃至尊威靈將八十兵

度江將即亮翻擒陳叔寶竊以此望活上曰此已格外重賞

何用追論弼曰臣已蒙格外重賞今還格外望活既而

上低回數日低降意也惜其功特令除名歲餘復其爵

位上亦忌之不復任使復扶又翻然每宴賜遇之甚厚有

司上言府藏皆滿上時掌制藏徂浪翻無所容積于廊廡廡周甫翻帝

曰朕既薄賦於民又大經賜用謂賞平陳將士何得爾也爾猶言如

此對曰入者常多於出略計每年賜用至數百萬段曾

欽定四庫全書欽定四庫全書無減損於是更闢左藏院以受之漢官有中藏令晉有中黃左右藏令隋初

有右藏黃藏令至是始開左藏院藏徂浪翻詔曰寧積於人無藏府庫河北

河東今年田租三分減一兵減半功調全免田出租丁出調詳已

見前兵受田計畝為功以其所出修器械備糗糧今已減其半調徒弔翻時天下戶口歲增

京輔及三河地少而人衆京輔謂關內三河謂河北少與小同衣食

不給帝乃發使四出均天下之田其狹鄉每丁纔至二

十畝老少又少焉使疏吏翻老少詩照翻又少音詩沼翻

十三年春正月壬子上祀感生帝隋以火德王以赤帝赤燂怒為感生帝

壬戌行幸岐州岐州扶風郡二月丙午詔營仁壽宮於岐

州之北仁壽宮在岐州普閏縣使楊素監之監古街翻素奏前萊州刺

史宇文愷檢校將作大匠隋志東萊郡舊置光州開皇五年更名萊州隋制未除校

正官而領其務者為檢校官將作大匠掌工作宇文愷有巧思奏使之領作記室封德彝為

土木監土木監掌土木之事以營宮暫置之非常設之官於是或山埋谷以立

宮殿崇臺累榭宛轉相屬屬之役使嚴急丁夫多死疲

頓顛仆推填坑坎覆以土石推吐雷翻覆數又翻因而築為平地

死者以萬數丁亥上至自岐州已卯立皇孫暕為

欽定四庫全書欽定四庫全書豫章王暕廣之子也暕古限翻丁酉制私家不得藏緯候

圖識識楚謝翻秋七月戊辰晦日有食之是歲上命禮

部尚書牛弘等議明堂制度宇文愷獻明堂木樣上命

有司規度安業里地將立之而諸儒異議久之不決乃

罷之隋志宇文愷依月令文造明堂木樣重檐複廟五房四達丈尺規矩皆有準憑帝異之命有司於安

業里為規北蓋在長安南郭內也既以異議罷至大業中愷復奏明堂議及木樣其議云尚書帝命驗曰帝者

承天立五府以尊天重象赤曰文祖黃曰神斗白曰顯紀黑曰玄矩蒼曰靈府注曰唐虞之天府夏之世室殷

之重屋周之明堂皆同矣尸子曰有虞氏曰總章周官考工記曰夏后氏世室堂修四七博四脩一注云脩南

欽定四庫全書

卷一百七十八

六

北之深也夏度以步今堂脩十四步其博益以四分修之一則明堂博十七步半也臣惟按三王之世夏最為近古從質尚文理應漸就寬大何因夏室乃大殷堂相形為論理恐不爾記云堂脩七博四格若夏度以步則應脩七步注云今堂脩十四步乃是增益記文殷周二堂獨無加字便是其義類例不同山東禮本無加二七之字何獨殷無加尋之文周關增益之義研數其趣或是不然警校古書並無二字此乃桑間俗儒信情加減黃圖議云夏后氏益其堂之大一百四十四尺周人明堂以為兩村間馬宮之言止論堂之一面據此為準則三代堂基並方得為上國之制諸書所說並為下方鄭注周官獨為此義非直與古違異亦乃非背禮文尋文求理深恐未恆尸子曰殷人陽館考工記曰殷人重屋堂脩七尋堂崇三尺四阿重屋注曰其脩七尋五丈六尺故夏周則其博九尋七丈二尺又曰周人明堂度九尺之庭東西九庭南北七庭堂崇一庭五室凡二庭禮記明堂位曰天子之廟視廟重檐鄭注云視廟重屋也注玉藻云天子廟及路寢皆如明堂制禮圖云於內室之上起通天之觀觀八十一尺得宮之數其聲濁居之象也大戴禮云明堂者古有之凡九室一室有四戶八牖以茅蓋上岡下方外水曰璧雖赤綴戶白綴牖堂高三尺東西九仞南北七庭其宮方三百步周書明堂曰堂方百一十二尺高四尺階博六尺三寸室居內方百尺室內方六十尺戶高八尺博四尺作洛曰明堂太廟路寢咸有四阿重亢重廊孔氏注云重亢累棟重廊累屋也禮圖曰秦明堂九室十二階各有重亢累棟重廊累曰有十二堂與月令同並不論尺丈臣愷案十二階雖不與禮合一月一階非無理思黃圖曰堂方百四十四尺坤之策也方象地屋圖相徑二百一十六尺法乾之策也圓象天室九宮法九州太室方六丈法坤之變數十二堂法十二月三十六戶法極陰之變數七十二牖法五行所行日數八達象八風法八卦通天臺徑九尺

欽定四庫全書

卷一百七十八

七

象乾以九履六高八十一尺法黃鍾九九之數二十八柱象二十八宿堂高三尺土階三等法三統堂四向五色法四時五行殿門去殿七十二步法五行所行門堂長四丈取太室三之二垣高無敵目之照目恐當作日牖六尺其外倍之殿垣方在水內法地陰也水四周於外象四海圖法陽也水闊二十四丈象二十四氣水內制三丈應觀禮經武帝立明堂汶上無室其外畧依此經太山通議今亡不可得而辨也元始四年起明堂辟雍長安城南門制度如儀一殿垣四面門八觀水外周堤壤高四尺禮圖曰建武三十年作明堂上圖下方上國法天下方法地十二堂法日辰九室法九州室八牖八九七十二法一時之王室有二戶二十九十八戶法土王十八日內堂正壇高三尺土階三等胡伯始注漢官云古清廟蓋以茅今蓋以瓦下藉茅以存古制自晉以前未有鷄尾其圓牆壁水一依本圖晉堂方構不合天文既缺重樓又無壁水空堂非五室之義直殿遠九階壁水外門在水內迴立不與牆相連其堂上九室三三相重不依古制室間通巷遠外處多其室皆用壑累極成編陋宋起居注曰孝武帝大明五年立明堂其牆宇規範擬則太廟唯十二間以應莽數梁武帝移宋時太極殿以為明堂無室十二間自古明堂圖惟有二本一是宗周劉熙阮譔劉昌宗等作三圖畧同一是後漢建武三十年作禮圖有本不詳撰人臣遠尋經傳傍求子史研究衆說摠撰今圖其樣以木為之下為方堂堂上有五室上為圓觀觀有四門會遠東之役不果行之滅陳也以陳叔寶屏風賜突厥大義公主勿翻公主以其宗國之覆亡也心常不平書屏風為詩叙陳亡以自寄上聞而惡之惡為禮賜漸薄彭公劉昶先尚周公

主流人楊欽亡入突厥詐言祖欲與其妻作亂攻隋遣

欽密告大義公主發兵擾邊都藍可汗信之乃不修職

貢頗為邊患可從刊入上遣車騎將軍長孫晟使於突

厥隋制車騎將軍階正五品非職事官騎奇寄翻使疏吏翻長知兩翻晟永正制微觀察之公

主見晟言辭不遜又遣所私胡人安遂迦與楊欽計議

加求加翻扇惑都藍晟至京師具以狀聞上遣晟往索欽

都藍不與曰檢校客內無此色人晟乃賂其達官知

欽所在夜掩獲之以示都藍因發公主私事國人大以

欽定四庫全書資治通鑑卷一百七十八

為恥都藍執安遂迦等并以付晟上大喜加授開府儀

同三司仍遣入突厥廢公主內史侍郎裴矩請說都藍

使殺公主說輸時處羅侯之子染干號突利可汗考異

厥傳云沙鉢羅子今從長孫晟傳居北方遣使求婚使疏上使裴矩謂

之曰當殺大義公主乃許婚突利復謂之於都藍復扶

都藍因發怒殺公主更表請婚朝議將許之朝直長孫

晟曰臣觀雍虞閭反覆無信直以與玷厥有隙雍虞閭

所以欲依倚國家雖與為婚終當叛去今若得尚

公主承藉威靈玷厥染干必受其徵發彊而更反後恐

難圖且染干者處羅侯之子素有誠款於今兩代前乞

通婚不如許之招令南徙兵少力弱易可撫馴少詩沼

松倫翻使敵雍虞閭以為邊捍上曰善復遣晟慰諭染

干許尚公主為隋破都藍樹立染干張本復扶又翻牛弘使協律郎范

陽祖孝孫等參定雅樂隋制太常有協律郎二人隋志

郡廢又上谷郡涑水縣舊曰道開皇元年以范陽為道縣更置范陽於此從陳陽山太守毛

爽受京房律法從字之上更有孝孫二字文意乃明布

欽定四庫全書資治通鑑卷一百七十八

管飛灰順月皆驗又每律生五音十二律為六十音因

而六之為三百六十音分直一歲之日以配七音而旋

相為宮之法由是著名名一作明一弘等乃奏請復用旋宮法

上猶記何安之言安言見上注弘奏下不聽作旋宮但

用黃鍾一宮于是弘等復為奏附順上意其前代金石

並銷毀之以息異議弘等又作武舞以象隋之功德郊

廟饗用一調迎氣用五調郊廟用一調止用黃鍾一宮

中央用宮秋用商冬用羽調徒鈞翻舊工稍盡其餘聲律皆不復通復扶

十四年春三月樂成夏四月乙丑詔行新樂且曰民間

音樂流僻日久棄其舊體競造繁聲宜加禁約務存其

本萬寶常聽太常所奏樂泣然泣曰樂聲淫厲而哀天

下不久將盡時四海全盛聞者皆謂不然大業之末其

言卒驗卒子恤翻寶常貧而無子久之竟餓死且死悉取其

書燒之寶常撰樂譜六十四卷具論八音旋相為宮之法改絃移柱之變為八十四調一百四十四律

終於十八百聲為之應手成曲曰用此何為先是臺省府寺及諸州

皆置公廨錢先悉薦翻收息取給工部尚書蘇孝慈唐六

欽定四庫全書資治通鑑卷一百七十八

典工部尚書周之冬官卿也漢五曹尚書其三曰民曹

後漢以民曹魚王緒修工作鹽池園苑之事自晉宋齊

梁陳營宗廟則權置起部尚書事畢省之後周依周以

官置大司空卿一人隋開皇三年始置工部尚書以

為官司出舉興生煩擾百姓敗損風俗敗補通翻請皆禁止

給地以營農上從之六月丁卯始詔公卿以下皆給職

田職分田起于後周頃畝以品為差下至隋唐代有增減母得治生與民爭利治直

翻之秋七月乙未以邳公蘇威為納言初張賓歷既

行開皇四年行張賓歷見一百七十六卷陳長城公至德二年廣平劉孝孫隋志武

平縣舊曰廣平置廣平信都郡置冀州煒職略翻並

郡仁壽元年改永平縣冀州秀才劉煒州煒職略翻並

言其失實方有寵於上劉暉附會之共短孝孫斥罷之

後賓卒孝孫為掖縣丞隋志萊州東萊郡治掖縣委官入京上其事

詔留直太史以它官入太史曹為直太史上時掌翻累年不調調徒乃抱

其書使弟子與櫬來詣闕下櫬初伏而慟哭執法拘而

奏之帝異焉以問國子祭酒何妥妥言其善乃遣與賓

歷比校短長直太史勃海張胃玄隋志勃海郡開皇六年置棣州與孝

孫共短賓歷異論鋒起久之不定上令參問日食事楊

素等奏太史凡奏日食二十有五率皆無驗胃玄所刻

欽定四庫全書資治通鑑卷一百七十八

前後妙中刻刻定也中竹仲翻孝孫所刻驗亦過半于是上引孝

孫胃玄等親自勞徠勞力到翻孝孫請先斬劉暉乃可定歷

帝不憚又罷之孝孫尋卒卒子恤翻關中大旱民飢上遣

左右視民食得豆屑雜糠以獻上流涕以示羣臣深自

咎責為之不御酒肉為于偽翻殆將一朞八月辛未上帥民

就食於洛陽帥讀曰率勅斥候不得輒有驅逼男女參廁於

仗衛之間遇扶老攜幼者輒引馬避之慰勉而去至艱

險之處見負擔者擔都溫翻令左右扶助之冬閏十月甲

寅詔以齊梁陳宗祀廢絕命高仁英蕭宗陳叔寶以時

修祭所須器物有司給之陳叔寶從帝登邛山邛山在洛陽城

北侍飲賦詩曰日月光天德山河壯帝居太平無以報

願上東封書上時掌翻并表請封禪帝優詔答之它日復侍

宴復扶又翻及出帝目之曰此敗豈不由酒以作詩之功何

如思安時事當賀若弼度京口彼人密啓告急度京口事見上

卷九叔寶飲酒遂不之省省悲井翻高顗至日猶見啓在牀

下未開封此誠可笑蓋天亡之也昔苻氏征伐所得國

欽定四庫全書資治通鑑卷一百七十八

皆榮貴其主謂苻堅也事見晉紀苟欲求名不知違天命與之官

乃違天也齊州刺史盧貢隋志齊郡舊曰齊州治歷城坐民飢閉

民糶糶它弔翻除名帝後復欲授以一州貢對詔失旨又有

怨言帝大怒遂不用皇太子為言此輩並有佐命功雖

性行輕險為子偽翻行下孟翻誠不可弃帝曰我抑屈之全其命

也微劉昉鄭譯盧賁柳裘皇甫績等則我不至此然此

等皆反覆子也當周宣帝時以無賴得幸及帝大漸願

之儀等請以趙王輔政此輩行詐顧命於我事見一百七十四卷

陳宣帝太我將為政又欲亂之故昉謀大逆譯為巫蠱

建十二年考異曰盧賁傳云昉為大逆於前譯為巫蠱於後案譯傳譯以開皇元年坐巫蠱廢昉以六年坐謀反誅賁

也傳誤如賁之例皆不滿志任之則不遜置之則怨望自

為難信非我棄之衆人見此謂我薄於功臣斯不然矣

賁遂廢卒于家卒子恆翻晉王廣帥百官抗表固請封禪

帥讀曰率帝令牛弘創定儀注既成帝視之曰茲事體大朕

何德以堪之但當東巡因致祭泰山耳十二月乙未車

駕東巡上好機祥小數好呼到翻機居希翻上儀同三司蕭吉

欽定四庫全書資治通鑑卷一百七十八

上書曰甲寅乙卯天地之合也吉上時掌翻今茲甲寅之年

以辛酉朔旦冬至來年乙卯以甲子夏至冬至陽始郊

天之日即至尊本命夏至陰始祀地之辰即皇后本命

至尊德並乾之覆育覆敷又翻皇后仁同地之載養所以二

儀元氣並會本辰上大悅賜物五百段吉懿之孫也蕭懿

梁武帝之兄員外散騎侍郎王劭言上有龍顏戴干之

表劭云乾鑿度云泰表戴干鄭玄注云表者人形體之影識也干有也泰人之表戴干散悉賈翻騎奇寄翻

指示羣臣上悅拜著作郎隋志秘書省領太史著作二曹著作曹賈郎二人劭

前後上表上時掌翻言上受命符瑞甚衆又採民間歌謠引

圖書識緯據撫佛經識楚詩翻居運翻撫之石翻回易文字曲加誣

飾撰皇隋靈感志三十卷奏之上令宣示天下勅集諸

州朝集使盟手焚香而讀之曲折其聲有如歌詠經涉

旬朔徧而後罷上益喜前後賞賜優洽洽音狹朝直遣翻使疏吏翻

十五年春正月壬戌車駕頓齊州庚午為壇于泰山柴

燎祀天以歲旱謝愆咎禮如南郊又親祀青帝壇赦天

下二月丙辰收天下兵器敢私造者坐之關中緣邊

不在其例三月己未至自東巡仁壽宮成丁亥上

幸仁壽宮時天暑役夫死者相次於道楊素悉焚除之

上聞之不悅及至見制度壯麗大怒曰楊素殫民力為

離宮為吾結怨天下為吾子偽翻素聞之惶恐慮獲譴以告

封德彝曰公勿憂俟皇后至必有恩詔考異曰隋書北史皆曰宮成

上令高祖前視奏稱頗傷綺麗太損人丁帝不悅素懼

即於北門啓獨孤皇后曰帝王法有離宮別館今天下

太平造一宮何足損費后以明日上果召素入對獨孤

此理喻上上乃解今從唐書勞力到翻后勞之曰公知吾夫婦老無以自娛盛飾此宮豈

非忠孝賜錢百萬錦絹三千段素負貴恃才多所陵侮

唯賞重德彝每引之與論宰相職務終日忘倦因撫其

牀曰封郎必須據吾此坐楊素賞重封德彝非但以其算略益心術亦相似屢

薦於帝帝擢為內史舍人夏四月己丑朔赦天下

六月戊子詔鑿底柱底柱山在陝縣北大河中水經曰河水通砥柱間注云砥柱山名也

昔禹治洪水山陵當水者鑿之故破山以通河河水分

流趾分指狀未目亦謂之三門庚寅相州刺史豆盧通貢綾文布燕

容精歸魏北人謂歸義為豆盧子孫以為氏相息亮翻命焚之於朝堂朝直秋

七月納言蘇威坐從祀泰山不敬免俄而復位上謂羣

臣曰世人言蘇威詐清家累金玉此妄言也然其性狠

戾狠戶不切世要求名太甚從已則悅違之必怒此其

大病耳戊寅上至自仁壽宮冬十月戊子以吏部

尚書韋世康為荊州總管世康洸之弟也韋洸安輯嶺南卒於官案

隋書世康傳世康和靜謙恕在吏部十餘年時稱廉平

洸之兄洸古黃翻按世康傳自禮部尚書轉吏部尚書在開皇四年之前

七年拜襄州刺史歷安州信州總管十三年入朝復拜

吏部尚書出入踐揚前後十餘年不專在吏部也常有止足之志謂子弟曰祿

欽定四庫全書

資治通鑑

卷一百七十八

欽定四庫全書

資治通鑑

卷一百七十八

豈須多防滿則還年不待暮有疾便辭固懇乞骸骨帝

不許使鎮荊州時天下惟有四總管并揚益荆以晉秦

蜀三王及世康為之當時以為榮 十一月辛酉上幸

溫湯驪山溫湯也程大昌曰皇堂石并後周宇文護所造隋文帝又修屋宇并植松柏千餘株 十

二月戊子勅盜邊糧一升已上皆斬考異曰刑法志事在十六年今從

帝仍籍沒其家 已丑詔文武官以四考受代唐虞以三年為

一考後世以 汴州刺史令狐熙來朝隋志榮陽郡浚儀縣東魏置梁

州後周改曰汴州令狐出於魏氏春秋晉大 考績為天

夫魏顯封於令狐子孫以為氏汴皮變翻

欽定四庫全書資治通鑑卷一百七十八 十六

下之最賜帛三百匹雜物為段純物為匹 頒告天下熙整之子也

今狐整見一百五十九 卷梁武帝中大同元年

十六年春正月丁亥以皇孫裕為平原王筠為安成王

疑為安平王疑魚力翻 恪為襄城王該為高陽王韶為建安

王暉為潁川王張居永翻 皆勇之子也 夏六月甲午初制

工商不得仕進 秋八月丙戌詔決死罪者三奏然後

行刑考異曰刑法志在十五年今從帝紀 冬十月己丑上幸長春宮

隋志同州朝邑 十一月壬子還長安 党項寇會州隋志

汶山郡後周置汶州開皇初改 詔發隴西兵討降之

帝以光化公主妻吐谷渾可汗世伏妻七細翻吐從瞰

刊入聲 世伏上表請稱公主為天后上不許伏工時

十七年春二月癸未太平公史萬歲擊南寧羌平之史

歲龔爵太平縣公隋志太平縣屬絳郡南寧之地漢屬

祥柯蜀漢屬南中晉屬南寧州梁為南寧州其後為龔氏

所據自云本安邑人七世祖晉南寧太守中國亂遂王

蠻中考之晉志未始有南寧郡西龔蠻也非羌也通鑑

因隋紀 初梁睿之克王謙也見一百七十四卷陳 西南

夷獠莫不歸附唯南寧州酋帥龔震恃遠不服獠魯皓

欽定四庫全書資治通鑑卷一百七十八 十七

秋翻帥所類 睿上疏以為南寧州漢世祥柯之地祥柯

翻龔七亂翻 屬東王徵赴荊州徵兵以討侯景文盛赴之 屬東夏尚阻未遑遠畧

湘東王徵赴荊州景文盛赴之 屬東夏尚阻未遑遠畧

其子震相承至今而震臣禮多虧貢賦不入乞因平蜀

之衆略定南寧其後南寧夷龔翫來降拜昆州刺史就

地置昆州降 戶江翻下同 既而復叛乃以左領軍將軍史萬歲為行

軍總管帥衆擊之復扶又翻 入自蜻蛉川至於南中蜻

川漢靖蛉縣之地靖蛉
會經翻蛉郎丁翻

夷人前後屯據要害萬歲皆擊破

之過諸葛亮紀功碑

唐史南詔王鳳迦異築柘東城有諸葛亮石刻故在度西洱

河按唐史太宗擊西蠻開靖蛉弄棟為縣弄棟西有大勃弄小勃弄二州蠻其西與黃水葉榆西洱河接西

洱河即葉榆河也蘇軾曰南詔有西洱河即牂柯江也河形如月抱洱故名之為西洱河洱而止翻又而志翻

入渠濫川行千餘里破其三十餘部虜獲男女二萬餘

口諸夷大懼遣使請降獻明珠徑寸于是勒石頌美隋

德萬歲請將巽翫入朝使疏吏翻朝直遙翻請將音如字攜也領也詔許之

巽翫陰有貳心不欲詣闕賂萬歲以金寶萬歲於是捨

欽定四庫全書

資治通鑑
卷一百七十八

上

翫而還

為史萬歲得罪張本還從宣翻又如字

庚寅上幸仁壽宮 桂州

俚帥李光仕作亂

始安郡梁置桂州俚音里帥所類翻下渠帥同

帝遣上柱國

王世績與前桂州總管周法尚討之法尚發嶺南兵世

績發嶺北兵俱會尹州

隋志鬱林郡梁置定州後改為南定州平陳改尹州

世績

所部遇瘴不能進

瘴之亮翻熱病

頓于衡州

隋志衡山郡平陳置衡州

法尚

獨討之光仕戰敗帥勁兵走保白石洞

白石洞在今尋州南六十里帥

讀曰率下同

法尚大獲家口其黨有來降者輒以妻子還之

居旬日降者數千人

降戶江翻

光仕眾潰而走追斬之帝又

遣負外散騎侍郎何稠募兵討光仕稠諭降其黨莫崇

等

姓范何氏出自周成王母弟唐叔虞其後封于韓韓滅子孫分散江淮間音以韓為何字隨音變後遂為

何氏莫姓楚莫教之後

散悉宜翻騎奇寄翻 承制署首領為州縣官稠安之

兄子也

安他果翻

上以嶺南夷越數反數所角翻以汴州刺史令

孤熙為桂州總管十七州諸軍事許以便宜從事刺史

以下官得承制補授熙至部大弘恩信其溪洞渠帥更

相謂曰

令力下翻帥所類翻更工衡翻

前時總管皆以兵威相脅今者

乃以手教相諭我輩其可違乎於是相帥歸附先是州

欽定四庫全書

資治通鑑
卷一百七十八

上

縣生梗

先悉薦翻

長吏多不得之官

長知兩翻

寄政於總管府熙

悉遣之為建城邑

為于偽翻

開設學校華夷感化焉俚帥所帥

甯猛力在陳世已據南海隋因而撫之拜安州刺史

猛力恃險驕倨未嘗參謁熙諭以恩信猛力感之詣府

請謁不敢為非熙奏改安州為欽州

隋志寧越郡梁置安州今改欽州

帝以所在屬官不敬憚其上事難克舉三月壬辰詔

諸司論屬官罪有律輕情重者聽於律外斟酌決杖於

是上下相驅迭相捶楚以殘暴為幹能以守法為懦弱

搖止榮翻懦乃帝以盜賊繁多命盜一錢以上皆弃市

或三人共盜一瓜事發即死于是行旅皆晏起早宿

詎觸罪也 考異曰刑法志作晚宿必早字誤耳天下懍懍有數人劫執事而

謂之曰吾豈求財者邪邪音耶但為枉人來耳而謂我秦

至尊自古以來體國立法未有盜一錢而死者也而不

為我以聞吾更來而屬無類矣帝聞之為倖此法自古以來

閭里奸豪持吏短長者則有之矣未聞持其上至此者宜隋季之多盜也天下之富一錢之積是以古之為政

欲其平易近民為于偽制而為而不而屬之而猶言汝也帝嘗乘怒欲以六月杖殺

欽定四庫全書

卷一百七十八

人大理少卿河東趙綽固爭隋制九寺各置卿少卿各一人河東縣蒲州河東郡

治少始曰李夏之月天地成長庶類長知兩不可以此

時誅殺帝報曰六月雖曰生長此時必有雷霆我則天

而行有何不可遂殺之大理掌固來曠上言大理官司

太寬掌固蓋即漢之掌故唐省臺寺監皆有掌固因隋行也上時掌制帝以曠為忠直

遣每旦於五品行中參見遣猶使也行戶曠又告少卿剛翻見賢通翻

趙綽濫免徒囚帝使信臣推驗初無阿曲帝怒命斬之

綽固爭以為曠不合死帝拂衣入閣綽矯言臣更不理

曠自有佗事未及奏聞帝命引入閣綽再拜請曰臣有

死罪三臣為大理少卿不能制御掌固使曠觸挂天刑

一也囚不合死而臣不能死爭二也臣本無佗事而妄

言求入三也帝解顏會獨孤后在坐坐生但命賜綽二金

孟酒并孟賜之曠因免死徙廣州蕭摩訶子世略在江

南作亂摩訶當從坐上曰世略年未二十亦何能為以

其名將之子為人所逼耳將即亮翻因赦摩訶綽固諫不可

上不能奪欲綽去而赦之因命綽退食綽曰臣奏獄未

欽定四庫全書

卷一百七十八

決不敢退上曰大理其為朕特赦摩訶也因命左右釋

之為子偽翻刑部侍郎辛亶嘗衣緋褱衣於既翻褱古俗云

利官上以為厭蠱厭一叶翻又於琰翻將斬之綽曰法不當死臣

不敢奉詔上怒甚曰卿惜辛亶而不自惜也命引綽斬

之綽曰陛下寧殺臣不可殺辛亶至朝堂解衣當斬上

使人謂綽曰竟何如對曰執法一心不敢惜死上拂衣

而入良久乃釋之明日謝綽勞勉之賜物三百段勞力到翻

時上禁行惡錢有二人在市以惡錢易好者武侯執以

開武候屬左右武候將軍掌上令悉斬之綽進諫曰此

人所坐當杖殺之非法上曰不關卿事綽曰陛下不以

臣愚暗置在法司欲妄殺人豈得不關臣事上曰撼大

木不動者當退對曰臣望感天心何論動木上復曰噉

羹者熱則置之復扶又翻下天子之威欲相挫邪邪音

綽拜而益前訶之不肯還何翻上遂入治書侍御史柳

或復上奏切諫上乃止治直之翻復上以綽有誠直之

心每引入閣中或遇上與皇后同榻即呼綽坐評論得

欽定四庫全書資治通鑑 卷一百七十八失前後賞賜萬計與大理卿薛胄同時俱名平恕然胄

斷獄以情而綽守法俱為稱職斷丁亂翻胄端之子也

薛端仕周為蔡州帝晚節用法益峻御史於元日不劾

武官衣劔之不齊者勅戶益翻帝曰爾為御史縱捨自

由命殺之諫議大夫毛思祖諫又殺之隋門下省置諫

將作寺丞以課麥麴遲晚麴圭玄翻類武庫令以署庭

荒蕪武庫令屬左右出使或授牧宰馬鞭鸚鵡使疏吏

衡尉寺帝察知並親臨斬之帝既喜怒不恒不復依準科律

受作

恒戶登翻信任楊素素復任情不平與鴻臚少卿陳延

有隙少始嘗經蕃客館庭中有馬屎又眾僕於甃上擣

蒲以白帝帝大怒主客令及擣蒲者皆杖殺之捶陳延

幾死隋志鴻臚寺統典客令即主客也帝遣親衛大

都督長安屈突通往隴西檢覆羣牧隋志置左右親衛

衛有大都督帥都督都督等官煬帝改大都督為校尉

帥都督為旅帥都督為隊正屈突瑊復姓其先昌黎徒

河人從家長安隴西得隱匿馬二萬餘匹帝大怒將斬

太僕卿慕容悉達及諸監官千五百人太僕卿掌牧畜

欽定四庫全書資治通鑑 卷一百七十八通諫曰人命至重陛下奈何以畜產之故殺千有餘人

臣敢以死請帝瞋目叱之瞋昌通又頓首曰臣一身分

死分扶就陛下句千餘人命帝感寤曰朕之不明以至

於此賴有卿忠言耳于是悉達等皆減死論擢通為左

武候將軍隋志左右武候掌車駕出先驅後殿晝夜巡

則掌其上柱國劉昶與帝有舊帝甚親之其子居士

任俠不遵法度數有罪數所上以昶故每原之居士轉

驕恣取公卿子弟雄健者輒將至家以車輪括其頸而

捧之捧誦殆死能不屈者稱為壯士釋而與交黨與三

百人毆擊路人毆鳥口翻多所侵奪至於公卿妃主莫敢與

校或告居士謀為不軌帝怒斬之公卿子弟坐居士除

名者甚衆楊素牛弘等復薦張胃玄歷術去年帝勞徠胃玄既

而罷之復上令楊素與術數人立議六十一事皆舊法

久難通者令暉等與胃玄等辨析暉杜口一無所答胃

玄通者五十四上乃拜胃玄員外散騎侍郎兼太史令

賜物千段令參定新術散志置翻至是胃玄歷成夏四

欽定四庫全書資治通鑑卷一百七十八

月戊寅詔頒新歷前造歷者劉暉四人並除名秋七

月桂州人李世賢反上議討之諸將數人請行將即上亮翻

不許顧右武侯大將軍虞慶則曰位居宰相爵乃上公

開皇初慶則嘗為尚書右僕射宰相之職也投上柱國封晉國公上公也國家有賊遂無行

意何也慶則拜謝恐懼乃以慶則為桂州道行軍總管

討平之秦王俊幼仁恕喜佛教喜許記翻嘗請為沙門不

許及為并州總管俊為并州總管見上卷十年漸好奢侈違越制度

盛治宮室俊好內治直之翻其妻崔氏弘度之妹也性

妬於瓜中進毒由是得疾徵還京師上以其奢縱丁亥

免俊官以王就第崔妃以毒王廢絕賜死於家左武衛

將軍劉昇曹魏置武衛將軍自晉至於高齊並屬左衛右衛至隋始與左右衛並列於十二衛府

曰秦王非有佗過但費官物營解舍而已厝古臣謂可

容上曰法不可違楊素諫曰秦王之過不應至此願陛

下詳之復扶又翻上曰我是五兒之父上五子太子勇晉王廣秦王俊蜀王秀漢

王非兆民之父若如公意何不別制天子兒律以周公

諒之為人尚誅管蔡我誠不及周公遠矣安能虧法乎卒

欽定四庫全書資治通鑑卷一百七十八

不許楊素達君之惡者也它日贊決以戊戌突厥哭

利可汗來逆女厥九勿翻可從上舍之太常教習六禮

六禮納采問名納吉納徵請期親迎妻以宗女安義公主上欲離間都監

故特厚其禮妻七細翻遣太常卿牛弘納言蘇威民部

尚書斛律孝卿相繼為使開皇三年改度支尚書為民部尚書使頗吏制突利

本居北方既尚主長孫晟說其帥衆南徙居度斤舊鎮

度斤舊鎮蓋即都斤山突厥沙鉢略舊所居也帥讀曰率錫賚優厚賚來代翻都藍怒曰

我大可汗也反不如染干於是朝貢遂絕亟來抄掠邊